



UNIVERSITÄTS-  
BIBLIOTHEK  
PADERBORN

# **Phosphorvs sive Ioannes Baptista nativitas, vita, mors**

**Cabilliau, Baudouin**

**Lovany, 1642**

Imago 38. Querela læsi pueri --- --Nocet emta dolore voluptas.

---

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)



7. Gutta. Opera nostra semina sunt eternitatis, Bernardi iudicio. Quidni & dixero, vnam seriò penitentis lacrymulam, ceu gemmam, eternitatis esse pretium? Imò quid minus est, quam quod vox vna trium syllabarum? Peccavi orci ardentis fauces praeludat, cælique auream aperiat portam.

Ab Adami pomo quisquis iam nascitur, æquæuam ab suo ortu cum peccato mortem, & inde alia peccata in vitâ contrahit.

Imago 38.

*Querela lasi pueri --*  
*-- Nocet emta dolore voluptas.*

1. Puer ludit in florido
2. Prato, cui clam
3. Serpens infligit in
4. Calce
5. Vulnus.
1. Animus ut puer, gessit gaudia
2. Primo am flore.
3. Auctor originalis peccati, demon
4. E corporis humani, & terreni contagio tangit  
imos animi affectus, &
5. Inspirat peccati virus.

Anacron-



*Anacreonticum.*

**A**maniore veris  
 Rudis vagabar hospes,  
 Sed innocens theatro,  
 Regnoque, quo voluptas  
 Primæua iam triumphat,  
 Sub floridis coronis,  
 In floridâ iuuentâ,  
 Inter rosas, crocosque,  
 Et rosmarem, thymumque,  
 Et poma, dona veris.  
 Eheu! sed hîc malignis  
 Anguis, scelestus anguis,  
 Clâm dentibus laceffit  
 Calcem, feritque, dirum  
 Vis pestilens bibaces  
 Hinc serpit in medullas.  
 Serpit nouos in ignes.  
 Nec vspiam salutis  
 His spes viret sub herbis.  
 Ah! cui viget venustæ  
 Flos, & decor iuuentæ,  
 Sic mortis indecoras  
 Reuoluar in fauillas,  
 Vt hinc cadam sub orcum,  
 Viuusque sempiterno  
 Flagrem cinis camino?  
 O dira de iuuentæ  
 Ludo, necis senectus,  
 Æternitasque mortis

Christus, vbi Ioannes eum, vti agnum,  
 abluit, vim medicam aquis infundit,  
 quibus à serpente inflictum vulnus  
 diluit in puero, & in adulto.

Conso-



Consolatio ad Puerum faucium.

*Anacreonticum.*

**A** St hinc vides ameno  
 Fontem vitro virentem.  
 His merge pectus vndis,  
 Huic innatat salutis  
 Spes, floris instar, anni.  
 Diri satelles orci  
 Ne te metat cruentâ  
 Mors impotens securi,  
 Nouoque te deinceps  
 Fraus implicet piaclo,  
 Fraus implicet dolori.  
 En, agnus ille fauos  
 Hostis potens in hydros,  
 Hic candidis salubres  
 Aquis inhalat auras,  
 Et omne de chelydro  
 Dispellit hinc venenum,  
 Hic si tamen sit agnus,  
 Qui victor in minaces  
 Sic fulminat dracones,  
 Sic & triumphat orcum,  
 Ni sit magis suavis  
 Hic agnus ante sauis  
 Leo timendus hydriis.

*In Christi baptismo Ioanni innotescit Trinitas.*

Quam Ioannes etiamnum materni in  
 corpusculi hospitio demorans ab ob-  
 uio sibi Christo de SS. Trinitate fi-  
 dem certam hauserat, eamque ite-  
 rum in Christi baptismo ceu speculo  
 è Patris



è Patris voce & specie columbæ Spiritûs Sancti imagine didicerat. Tum eam quæ hætenus sub legis umbrâ delituerat, de SS. Trinitate fidem cœpit explicare clariùs & longiùs propagare.

*Imago 39.*

*Primus ego non nota loquar.*

1. Nubes, è quâ
  2. Vox & lux
  3. Triplici radio. cui
  4. Primus aureus,
  5. Secundus purpureus
  6. Tertius sic candidus; dependet
  7. Speculum cum sole, qui resulget in
  8. Aquis.
1. Ignorantia Trinitatis hætenus ignota, è qua
  2. Dei notitia clarior & doctrina
  3. Tergemina persona.
  4. Deus Pater,
  5. Deus Filius è purissimo B. Virginis sanguine concretus,
  6. Spiritus Sanctus.
  7. Deitas una, & ut sol, sola in
  8. Baptismo relucet, qui cõfertur in nomine SS. Trinitatis.

*Sapphi*